

祝茹穹先生醫印
二



祝茹穹先生醫印卷之三

廬陵弟子趙

疑一蒼子記註

五臟五行所屬有克之而反生生之而反克
舉一而知

肺金、心火、脾土、肝木、腎水、以生者爲母、以克者爲
賊、虛則補其母、宜實則瀉其賊矣、何以瀉其子也、
子虛則竊食母之氣、以養母、必從而顧之、故瀉者、
令其子虛、以分母之實、假令土實、則必瀉、令肺虛、
使肺金爲子者、竊食土母之氣、以養土、母必從而



顧之則土之實平矣。此淺說也。更有與義凡實者必侮其所不勝。益欺其所勝。皆挾子之力也。假令肺金其所不勝者心火也。其所勝者肝木也。今肺實則挾其子腎水之力以侮所不勝之心火而益欺其所勝之肝木。但瀉其子則失所挾而安其位矣。若不瀉其子而瀉其賊。從心火治之。治心火則必重補腎水。是實則補其子矣。肺病熱實者爲心火刑金。則土亦必燥用之。固中病水。但克火而潤土。必不至於泛而侮土也。若肺病寒實。其脈之見

虛滑而濡既非熱實矣。寒實爲飲與痰客之而不
去。宜瀉其腎水使不制心火。心火爲心之血氣非云邪火也。心火
足則煖氣熏蒸肺矣。心火本刑金。今金寒實必藉
火之煖氣以熏蒸是克之而反生也。心火足則命
門包絡之火俱足以熏蒸脾土。土煖然後能熏蒸
肺。金飲食運化則痰飲不作而不爲寒實所客。若
不審此法必不知肺之爲寒實而以爲熱實。既用
寒涼之藥瀉其本經。復用寒涼之藥瀉其心火。本
經之寒實愈凝滯而心火復不能熏蒸之脾土不

能受心火與命門包絡之火薰蒸則亦不能熏蒸
肺金肺之寒實凝滯既久鬱而伏火以克肺其禍
不可言矣脾土固當補之以養金必兼用燥滲藥
如二朮澤瀉茯苓之類以瀉其邪水邪水者腎寒
水之所泛也瀉腎之邪水者以其始泛爲濕痰以
停蓄於脾漸而升之泛爲痰飲以停蓄於肺故瀉
肺之子也補土之法審其脈見微瀦遲緩之類則
知脾氣血不足而無水邪宜純用溫補而不必用
燥滲之藥恐其氣血也其脈見濡滑沉遲之類

則知邪水泛行。宜用溫補而兼用燥滲。若邪水泛行。純用溫補。不用燥滲。其邪水停蓄日盛。則精氣愈奪而虛。飲食所至。必不運化。與溫補之藥餌始焉相爭。而不合。繼焉相混。而爲祟。蓋脾之停蓄水邪。爲濕而積。飲食藥餌。并爲濕熱。濕熱之火。損肺金。人誤以爲心火之克肺。而不知脾火之克肺也。溫補而不知兼用燥滲。以逐水邪。雖曰補土以生金。其實釀濕熱之火。以克金。所謂生之而反克者。此也。且腎泛邪水。則正水不足。肝木失其母。則相

火動而侮肺。人誤以爲心火之克肺。而不知肝火之能克肺也。夫五臟六腑之病。皆有傳變。由於不知瀉子之法。以致之。不知瀉子之治。則不知補母之法。其失相符也。言熏蒸者。以諸臟腑皆水火所養。水火卽呼吸之氣。呼吸之氣。卽熏蒸之實義也。傷風有傷風寒。傷風熱。稍分別治法。大同小異。

傷風寒者。感冒風寒。其證鼻氣寒。流清涕。惡風聲。重者。或頭疼身熱。輕者。則否。傷風熱。亦感冒風。

寒其證鼻氣不甚寒與流清涕或聲啞甚者痰壅
氣喘總宜發散清利忌補氣酸斂閉氣風寒宜辛
溫甘溫藥用細辛藁本芎藭荊芥防風白芷前胡
桑白皮杏仁紫蘇薄荷杏仁甘草石膏山查麥芽
之類風熱宜辛寒甘寒藥用竹葉石膏麥冬知母
桔梗薄荷前胡葛根桑白皮甘草山查麥芽之類
皆輕證也治則輕揚之輕瀉之揚之即發散
瀉之即清利不可
用重藥重藥者何發散中麻黃桂枝之類清利中
之黃連黃芩大黃朴硝之類是也若誤以為重而



用重藥發散之過勢必引皮膚而傳經絡成外感之證。清利之過勢必陷臟腑而損榮衛成內傷之證。風寒不可用竹葉麥冬知母葛根之類。以其甘寒止可佐風熱之發散而不可以甘寒益風寒也。風熱不可用細辛藁本芎藭荊芥白芷之類。以其辛溫止可佐風寒之發散而不可以辛溫益風熱也。誤用甘寒益風寒則寒氣愈閉。辛溫益風熱則熱氣愈閉。皆可蘊結成外感重證。用山查麥芽者非爲其傷食也。以其寒熱爲風所閉則平常所入

之○飲○食○皆○滯○而○不○化○因○而○爲○崇○故○導○之○使○出○傷○寒○
裏○證○結○毒○亦○非○傷○食○乃○寒○熱○之○氣○閉○致○飲○食○不○化○
其○勢○重○力○厚○十○倍○傷○風○寒○熱○之○所○閉○故○用○承○氣○湯○
非○山○查○麥○芽○之○可○輕○除○風○熱○有○多○因○酒○後○風○邪○所○
乘○而○致○可○取○葛○花○解○酲○湯○摘○用○如○豆○蔻○砂○仁○青○皮○
陳○皮○之○類○以○和○解○之○蓋○酒○性○熱○而○凝○非○辛○溫○莫○能○
和○解○又○不○可○泥○豆○蔻○砂○仁○之○類○犯○辛○溫○廢○而○不○用○
致○凝○爲○痰○爲○血○也○

傷寒初證與傷風疑似比類分別

寒爲百病之總。風爲百病之長。其勢相因。惟傷寒
初證。與傷風。髣髴疑似。不必據脈。挾輿。但淺說此
類。兩證迥別。較若列眉。寒乃陰邪。風乃陽邪。傷寒
初起。手足微冷。傷風初起。手足微煩。傷寒鬱而後
發。熱傷風卽能發熱。傷寒鼻乾。無涕。傷風鼻塞。流
涕。傷寒聲前輕後重。傷風聲重如自甕中出。傷寒
初起。無痰。傷風甚者。有痰壅咽喉。傷寒口渴而乾。
其舌本枯燥。傷風口渴而不乾。其舌本不枯燥。傷
寒渴甚。貪飲。到口卽乾。傷風渴不甚。亦不貪飲。飲

到口卽潤傷寒遇食惡而不欲見傷風遇食不好亦不惡傷寒面慘身痛傷風面光身重傷寒無汗惡寒不惡風傷風有汗惡風不惡寒傷寒雖不惡風而沉沉惡寒之中亦惚惚惡風傷風雖不惡寒而洒洒惡風之中亦嗇嗇惡寒傷寒初起卽頭痛傷風初起不頭痛久而重者頭痛傷寒頭痛連眉稜眼眶盡痛傷風頭痛不連眉稜眼眶傷寒遍身骨節頭痛傷風身不痛傷寒頭痛晝夜不間傷風頭痛乍痛乍止傷寒發熱而神氣恍惚傷風發熱

上海圖書館藏
約大學圖書館

而神氣安靜。傷寒不能假寐。傷風假寐。猶安。蓋傷寒陰邪。陰淡而發乎陽。其勢重。傷風陽邪。陽淺而發乎陰。其勢輕。此陰陽俱就外至之風寒。誤以傷言非三陰三陽之陰陽也。寒為傷風。而治以驅陽邪之劑。不獨不能驅陰邪。且引陽邪入陰。分而傳變矣。以傷風為傷寒。而治以驅陰邪之劑。不獨不能驅陽邪。且引陰邪入陽。分而傳變矣。陽邪入陰。分其發散力。不及不能搜出陰邪之寒。而反開玄府。以迎風入。玄府汗致滋空處。陰邪汗證愈重。謂當汗之證愈加重也。陰邪入陽。分其發散。

力太過不合乎輕揚輕瀉之劑使陽邪之風直透入玄府以迎風入亦致滋陰邪實者遇之爲風證愈重或中風或久後爲風痺風痿諸證虛者遇之爲陰厥等證分別一誤禍如反掌不可不慎

傷寒本受寒而標發爲熱病乃寒盛生熱也其三時見證或證不合時或證合乎時有正傷寒溫暑之分治法隨異

素問四氣調神論曰逆冬氣則水陰不藏腎氣獨沉又曰水冰地拆無擾乎陽又曰去寒就溫無泄



皮膚使氣亟奪霜降之後。春分之前。天氣嚴寒。人或七情受傷。或居處不密。或衝斥道路。履霜踐雪。感而犯之。卽發爲病。名曰正傷寒。若不卽發而寒邪久客。加以房室勞傷。與辛苦之人。腠理開泄。少陰不藏。腎水涸竭。無水則春木無以奉生。故發爲溫病。若復不發。延至於夏。火威克水。真水不足。寒邪益盛。故發爲熱病。若復不發。延至於長夏。土氣旣旺。以絕水之源。而寒邪之陰。皆從火化。故發爲大熱病。其名因時而立。有冬寒春溫夏熱長夏大

熱之不同。其實皆熱病也。本經熱論曰。今夫熱病者。皆傷寒之類也。又曰。人之傷於寒也。則爲病熱。本經水熱穴論。帝問。人傷於寒而傳爲熱。何也。岐伯曰。夫寒甚則生熱也。是以傷寒初起。手足微冷。未見標而先見本也。先傳於三陽。陽爲熱之屬。本之見乎標也。繼傳於三陰。陰爲寒之屬。標之反乎本也。傳於陽。自巨陽即太陽以入陽明。自陽明以入少陽。傳於陰。自太陰以入少陰。自少陰以入厥陰。始巨陽者。巨陽爲諸陽之屬。其脈連於風府。故爲

諸陽主氣寒甚生熱陰邪盛而發陽先從陽之盛者以發次第至於陽之少盛漸減而至於陰之盛次第終於厥陰厥者盡也爲陰之盡也一日傳一經陰邪待盡然後熱以次衰又復一日衰一日病乃愈則知傷寒之皆爲熱病也內經論傷寒標其目爲熱論故也然溫熱皆本傷寒其治法正須分別若春夏之發悉如正傷寒之證爲證不合時則從證不從時例以仲景傷寒法治之卽天時溫暖炎熱仍用麻黃桂枝之劑以發其沉鬱寒邪奪之